



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De probatione veri amatoris. VI

[urn:nbn:de:hbz:466:1-45790](#)

in laude tua anima mea iubilans ex amore. Amem te, plus quam
me; nec me, nisi propter te; & omnes in te, qui verè amant te,
sicut iubet lex amoris lucens ex te.

1. Cor. 13.

1. Cor. 10. &
Phil. 2.

7. Est amor velox, sincerus, pius, iucundus, & amoenus; forth-
patiens, fidelis, prudens, longanimis, virilis, & scipsum nunquam
quārens. Vbi enim scipsum aliquis querit, ibi ab amore cadit. Est
amor circum spectus, humilis, & rectus: non mollis, non leuis, nec
vanie intendens rebus; sobrius, castus, stabilis, quietus, & in eun-
ctis sensibus custoditus. Est amor subiectus & obediens Prelatis,
sibi vilis & despectus, Deo deuotus & gratificus, fidens & spectans
semper in eo, etiam cum sibi non sapit Deus; quia sine dolore
non vivitur in amore.

Rom. 8.

8. Qui non est paratus omnia pati, & ad voluntatem stare di-
lecti, non est dignus amator appellari. Oportet amantem omni-
dura & amara propter dilectum libenter amplecti, nec ob con-
traria accidentia ab eo deslekti.

C A P V T VI.

De probatione veri amatoris.

Phil. 4.

Matth. 4.

1. **F**ILI, nō es adhuc fortis & prudens amator. Quare Domine! Quia propter modicam contrarietatem deficitis à corpore, &
nimis audē consolationem quāris. Fortis amator stat in tenta-
tionibus, nec callidis credit persuasionibus inimici. Sicut ei in
prosperis placebo, ita nec in aduersis displiceo.

2. Prudens amator, nō tam donum amantis considerat, quā-
dantis amorem. Affectionem potius attendit, quām censem, & infra
dilectum omnia data ponit. Nobilis amator non quiescit in do-
no, sed in me super omne donum. Non est ideo totum perditum,
si quandoque minus bene de me vel de sanctis meis sentis, quām
velles. Affectionis ille bonus & dulcis, quem interdum percipis, ef-
fectus gratiæ præsentis est, & quidam prægustus patriæ cœlestis.
Super quo non nimium innitendum, quia vadit & venit. Certare
autem aduersus incidentes malos motus animi, suggestionemq;
spernere diaboli, insigne est virtutis & magni meritū.

3. Non ergo te conturbent alienæ phantasie, de quacunque
materia ingestæ. Forte serua propositum, & intentionem rectam
ad Deum. Nec est illusio, quod aliquando in excelsum subito ra-
peris, & statim ad solitas ineptias cordis reueteris. Illas enim
inuitè magis pateris, quām agis, & quām diu dispergunt & renite-
ris, meritum est, & non perditio.

4. Scito, quod antiquus inimicus omnino nititur impedire de-
siderium tuum in bono, & ab omni deuoto exercitio evanescere, à
sanctorum scilicet cultu, à pia passionis meæ memoria, à pecca-
torum



torum vtili recordatione , à proprij cordis custodia , & à firmo proposito proficiendi in virtute. Multas malas cogitationes ingredit, vt tedium tibi faciat & horrorem ; vt ab oratione reuocet , & sacra lectione. Displacet ipsi humilis confessio ; & si posset , à comunione cessare faceret. Non credas ei, neq; cures illum, licet sāpius tibi deceptionis tetenderit laqueos. Ipsi imputa, cūm mala inserit & immunda. Dicito illi ; Vade immunde spiritus, eru- Matth. 4.
¶ 16.

besce miser : valde immundus es tu, qui talia in fers auribus meis. Discede à me seductor pessime, non habebis in me partem illam; sed Iesus mecum erit tanquam bellator fortis, & tu stabis confusus. Malo mori, & omnem pœnam subire, quam tibi consentire. Tace & obmutesc, non audiam te amplius, licet plures mihi moliaris molestias. Dominus illuminatio mea & salus mea, quem timebo? Si consistant aduersum me castra, nō timebit cor meum. Dominus adiutor meus, & redemptor meus.

5. Certa tanquam miles bonus ; & si interdum ex fragilitate corrui, resume vires fortiores prioribus, confidens de ampliori gratia mea; & multum præcae à vana complacentia & superbia. Propter hoc multi in errorem ducuntur, & in cæxitatem penè incurabilem quandoq; labuntur. Sit tibi in cautelam & perpetuā humilitatem, ruina hæc superborum de se stulte præsumentium.

CAPVT VII.

De occultanda gratia, sub humilitatis custodia.

1. Fili, vtilius est tibi & securius, deuotionis gratiam absconde, nec in altum te efferre, nec multum inde loqui, neque multum ponderare; sed magis temetipsum despicere, & tanquam indigno datam timere. Non est huic affectioni tenacius inhærendum, quæ citius potest mutari in contrarium. Cogita in gratia, quam miser & inops esse soles sine gratia. Nec est in eo tantum spiritualis vita profectus, cūm consolationis habueris gratiam : sed quum humiliter & abnegatè patienterque tuleris eius subtractionem : ita quod tunc ab orationis studio non torpeas, nec reliqua opera tua ex usu facienda, omnino dilabi permittas; sed sicut melius potueris & intellexeris, libenter quod in te est, facias ; nec propter ariditatem, seu anxietatem mentis, quam fentis te totaliter negligas.

2. Multi enim sunt, qui cūm non bene eis successerit, statim Hier. 10.
Rom. 9. impatientes fiunt aut desides. Non enim semper est in potestate hominis via eius ; sed Dei est dare & consolari, quando vult, & quantū vult, & cui vult ; sicut sibi placuerit, & non amplius. Quidam incauti, propter deuotionis gratiam seipso destruxerunt ; quia plus agere voluerunt, quam potuerunt, non pensantes suæ